

重錄總校官待詳上高批

學士是朝小家

分校官編修臣陶大臨

書寫儒士臣劉大孝

國監生臣徐唐

時成學

永樂大典卷之七千五百十四

十八陽

倉

平糴倉

宋史張唐傳唐出知南康轉運使以錢萬二千緡置平糴於郡唐復出錢萬二千緡以增益之民賴其利又馬光祖

知建康建平糴倉貯米十五萬石又為庫貯糴本二百餘萬緡補其折闕發糴常減於市價以利小民金陵志隸轉運司嘉定八年真德秀創之民

賴其惠雖歉歲市無貴糴不六七平糴本化為烏有舊籍無復存者嘉定十四平岳珂復置米久亦廢淳祐十二年舒滋復置咸淳元年七月馬光

祖承奉省劄判云當使三米開闢昇人愛余余亦愛昇人公帑所儲毫分不敢妄費思欲為此邦建一久遠利益事無如平糴呈撥米價錢差人糴

足十萬石併今創倉數盛貯積路遙到舊稻子倉基址鼎新創達屋四十

六間教十二座以玉衡岳泰階平陰陽和風雨時十二字為記專一椿頓上件米十萬石馬光祖有記見後建康志嘉定省劄承議郎權發遣江南東路轉運判官岳珂中照得本司所管九郡建康留都民物繁庶絕在下

派因船脚道路之遙平時米價最高於他郡。次則徽州。岷峴山多田。少與
 廣德小壘俱在水次。不通之地。太平寧國山圩田。相半高下。既殊。或旱或
 澇。難得全熟。池州南康雖通水。次。素少積貯。惟饒信舊米產。米却緣溪港
 夏漲。則販鬻貪價。多輸泄於下流。歲事或稍不登。則秋冬水涸。縱使有米
 接濟。亦無逆水可致之理。故非於閒暇時。為之圖度。則民食之慮。必軫顧
 憂。河自祗服馳驅。濫書不考。適緣商總領到任。趙辦軍儲。頓改併發。淮上
 網運。并蒙朝廷指揮。對撥米斛。一平之間。已及四十一萬八千餘石。比之
 去年以前。雖是軍興。年分每歲。不過五萬石。幾及十倍。以此倍費。顧發漕
 計。頗費支吾。第珂謹守公勤。極力裁節。浮冗。見今庫管錢物。比珂到任。交
 承之外。幸已有增無虧。今珂願以本任內。趙積到錢。先於本路八州軍撥
 糴。本椿糴米四萬石。內建康係會用。勢須椿積稍多。方可接濟。既在珂置
 司去處。容珂一面躬親。續行措置。增數椿糴。別具申聞。外八郡各糴五千
 石。越比秋熟。委本司主管錢物官。逐州通判。監糴於本處。今放收貯。專一
 充平糴支用。見今責領官錢。歸各州日下起糴。仍委各官。每一負。催促兩
 郡。往來。機察米價。催糴限在日近。糴足以後。年每歲九月。赴米出起。糴
 於一兩月內。糴足。至次年二月。以後農務。東作舊米價長。二麥未收之際。

止照元本價直量估官吏廉費每石不許過二百文出糴委本司錢物官
拘收元本次歲收糴如初如此則龍斷之民每歲乘時閉糴要利者必可
警蹙而青黃不接之際各郡有五千石之米在市米價自不能長其上件
糴米本錢並係珂以本任所積自認抱糴使米一郡糴足逐郡具所糴錢
米實數供中朝廷將米替滿即不敢侵動元交割前收漕計錢數並行抱
認登足亦不敢分毫侵動朝廷椿管本司錢米之數伏望鈞慈詳珂所陳
事理特與先次割下本司從中施行仍乞併賜割下從本司備牒逐州軍
通判照應遵守椿管出納如州郡輒緣他用妄有侵移許本司將當職官
具名奏劾乞此擅用朝廷椿管法坐罪公吏仍從決配責得民間永久均
被實惠又申照得珂自申請以後即行分委寧國府南陵縣丞承奉郎張
琮徽州歙縣丞從政郎王槐饒州判官承直郎丘崇寧國府監稅從事郎
汪教中等官責發糴本前去逐州軍收糴各五千石即次承諸郡中到別
教安頓已將及數又續次委本司幹辦公事承直郎李知孝於建康府廣
濟倉招糴到米一萬石係一頓先行糴足已行開具供申但照得上件米
雖係珂任內趨積糴到一司財計本皆朝廷之物却恐諸州於春夏之間
為見係已入朝廷帳冊須欲中審不敢擅行支糴及至冬間粒米狼戾又

不敢再以元錢越時收糴上下牽掣積土顧慮非惟發缺不時豪民龍斷
增價自若民不被惠有夫平糴之意無新陳不易積蠶久之必有托折遂
成無用深切可惜乞免附朝廷椿管文冊從本司今項拘榷不拘糴糴月
日責在逐州知通常要本錢存在於春夏之間出糴接濟細民冬間仍舊
收糴椿積他時緩急亦可備朝廷科撥支遣不致有大指準實凡郡民主
莫大之幸伏候指揮右劄付江東轉運司從所中事理將今來所糴米五
萬石先行取附帳冊椿管仍徑自行下所部州郡照應常切遵守施行準
此 淳佑省劄 朝請郎試司農少卿提領江淮茶鹽所兼江東路轉運
判官兼尚書省提領分司財用臣舒滋狀奏照對臣限以非才愚思將漕
嘗拜手莊誦國史咸平二年詔諸路轉運司中淳化惠民之制歲豐熟則
增價以糴飽歉則減直以糴飽乾昭然以平糴惠民為先而奉行朝廷仁
政者實漕臣之責竊照參政真德秀將漕江東嘗於建康創平糴倉事久
尋廢自後尚書岳珂撥米一萬石椿留為建康平糴之備未幾亦廢近歲
尚書陳堙寓治當途就糴平糴而建康司存之地則猶闕焉且建康為留
都會府兵民繁庶歲事小歉米價易翔即有待哺收散之虞若非官司預
為儲蓄則何以為水旱之備臣廡朴自將不敢妄費除交劄錢數有增無

虧外租有趙利并屢政積下米斛因前歲水湧賑糶價錢今就建康府復置轉運司平糶倉撥糶到米一十萬石般運水脚倉放等費約計五百餘萬貫十七界官倉內七萬石椿頓建康府廣濟倉三萬石椿頓寄納倉使起置倉教日令項拘椿所積米斛照本司見行體例每歲春冬兩次賑濟或遇歉歲糶價增長則減直賑糶却將價錢於秋成措置收糶椿管接續惠民如所部州縣或以歉告則可以推廣賑卹庶幾江左一路之民俱被朝廷之實惠所有起蓋倉教及合行事件從本司一面措置施行奏聞事照得平糶倉近年以來在在有之始意未嘗不欲惠民多因官吏非人弊滓百出或移易他用或妄稱折欠監平人補納反為民害今舒運使能以趙剌錢糶米置倉此意亦可嘉尚必須後人相與扶持毋致侵移作弊專責都吏掌管遇歉歲則發糶秋成則補還立為經久規模可也仍月具數目置冊具申朝廷凡遇新舊交承皆分明登載簿書同交割帳狀申上庶可拘推免墮前弊合議行下右劄付江東轉運司照所申及點對內事理疾速措置施行中尚書省准此 咸淳元年七月馬公先祖判云當使三米開闢昇人愛余余亦愛昇人公帑所儲毫分不敢妄費思欲為此并建一久遠利益事無如平糶呈撥米價錢差人糶足十萬石併令創倉教盛

貯贖路遂到舊稻子倉基址鼎新創造屋四十六間穀一十二座以玉衡正泰階平陰陽和風雨時十二字為記專一椿頓上件米十萬石今開具條畫如后 一照文思院斛造一石斛五斗斛各一十隻斗反連柄升各二十隻當官較制雕記併造五色籌共一十五百根發下遇收支單拘收本倉不許移用 一於本府三通判中選委一負充提督官凡倉中管鑰一應事務任責提督所有合差機察倉官一負專任出納之責請提督官於本府職曹官中選差能事者充之以才不以序仍專差都吏充統轄拘確收支專一任責補糴每年須管數足 一每遇青黃不交布糴驟貴先與上牙人供其時直實價却於時價中減價二分出糴謂如時價每石二十貫則減作十六貫之數若時價頓貴又在臨時斟酌痛減 一出糴必減時價却恐米數因此銷折令別撥十八畧會一十萬貫置解庫一所名曰咸淳助糴庫則例並依本府解庫赴到息錢專充補糴管要糴足十萬石之數若歲久息差則增數收糴 一天時不常豐歉難必設遇歲飢當行賑濟本府自有區處不許將本倉米及助糴庫錢作賑濟支移 一此米本以濟艱糴饒遇價貴便當出糴却不可遲慮補糴之難從而捐數今州縣常平米亦多是官司不肯擔負以致陳積腐壞反為公私之累今既

有庫息裨助則補糴不難但有一說若遇豐年發糴不盡未免有陳倉灰粒之患合用以新易陳今著為例如有糴不盡米從本府作單根支遣却於輸納秋苗時撥數就倉交納盤量抵還庶幾此米常新又免般擔勞費

一糴在春夏糴在秋冬糴到本錢須是拘椿有所令仰提督機察官將糴到錢即日拘工寄收常平庫令置簿籍必糴米方支如有分文移易並依常平法

一出糴照本府申牌戶口三日一次每大口五升小口三升憑由交錢給米其有經紀小民於當糴日分揆錢不上或出外他幹未曾收糴者許於後次一併補糴不許邀阻

一甲牌戶或有遷移或口數增減或貧富升降請提督官行下各廂每季從實抄具結罪保明仍不時覈實如有欺弊廂官對移廂吏重斷仍許人陳訴

一出糴合分場分以防壟併城內分六場城外分四場各就寺觀廟宇寬闊去處東廊交錢西廊糴米庶免壟併之患

一出糴每場委監官一員吏人庫子斗子各一名十場分作兩日每日各支點心錢監官一員驕番等人共二貫吏人庫子斗子各六百文十八界

一置場糴米板斛板子等人寧無糜費若官司不與畧處則必漁取於客販之人所合照苗倉官拘錢例斟酌裁減除倉官免支外每石計支糜費六十大文十八界但苗倉則取之於納戶本倉却不

當取之於糶戶今從助糶庫息錢內每年照所糶客米數票支此只是防
其漁取糶戶耳若本府自於諸司回糶却不當支專知一十文攢司貼司
共六文斗粟二十文脚夫等一十文門司二文門子一文請匙匠一文
一在倉之米以新易陳固無十分耗折但米之蛀腐多在經梅之際却是
四月以後糶不盡之米立待新穀登場方可換易此時則不能無些少耗
新創立之始若不曲盡其慮却恐向後日積月累耗折必多其流弊必至
於入則取贏斛面出則減剋斛面以補不足豈不有失初意今立為定式
凡糶到之米自次年四月以後未曾支糶者每石與豁耗折一升 一前
項雜支並於解庫赴到息錢支給 平糶倉落成設醮青詞聚粟積倉懼
民饑之由已獻花酌水冀天聽之鑒衷蠲潔落成屏營望賜伏念臣某久
司漢鑰稽察昇黜未作成風於暇田乎何有窮閭待哺惟艱食之是憂力
竭公餘聊儲乎糶粒粒皆知於辛苦家期遂於飽溫必求實惠之旁周
吏賴後人之增廣愈吏有時而代去孰守成規惟心與帝以相通庶幾永
保頽鑒老臣之經始曲綏民命以圖終億禩既盈千璫相續崇墉粟粟將
百載以常存多忝陳陳無一夫之不獲 門牌詩人人飽喫昇州飯世世
常存老守心 記云我朝本仁立國置常平倉與義倉並蓋以取民者選

以予民作法良矣歲久蠹於文移隱謾吏持空鑰相授受部使者一詰治之銖連不辜而銖粒弗可得易地通患幾以養人者害人矣天時不齊豐儉迭異趙清憲富文忠寂寂笑人地下民有遇荒而莫之救以死間有為平糴者視飢由己豐而人儉而出較元直無取贏或可助常平義倉之不及庚寅辛卯余令于越年饑勸分不遺餘力僅活疲羸既又諭大家贊助微平糴備光具凡得我心之同然者將應響為斛四千計公家之積與大家所益略相半余嘗陰于西山真公喜為記顛末會余去弗繼而直辛存後一二紀間遇水災邑人藉以招運實祐初余守當塗儲粟二萬亦盡吾心焉耳矣陪京生齒甲江左歲一告侵操瓢乞食恤恤莫之適饒商賈僧輩其權以乘其急而糴價翔不能遏見大夫瞪視喑莫敢下禁切之令幾若負牧豕之寄者余心撫焉載稽往牒名存實歟舊于糴所儲纔三萬昇數百萬家脫值緩急杯水救輿薪之瘡憂受乎何以制其昂而抑其踴也延縮況即浮糴七萬斛通舊積合為一十萬度地建屋以廩以峙扁曰咸淳平糴倉人報芝楮二十萬立助糴庫歲取息以補其價之折閱官吏斗絕簿書弄費給各有式然余志不於是畫也增益相因至去乃止告成之日揭虔顓天願俾勿壞於序天地生物之德祖宗立國之仁均是心

耳余雖不欲獨於昇人有緣余愛其民民亦愛余今水乏三矣老至而老
 及之行且乞身去所以為此邦計者惟是心在天下事莫難於經始亦莫
 難於繼成其嗣今與我同志者庶維持於不壞不滅而後可昔後村劉公
 嘗創平糶于浦城西山記之曰必乘弊盡亡而後此倉可廢噫此心法也
 惻隱之心人皆有之心心相印得無望於後之人後村書倉門兩扉曰且
 與吾民留飯碗豈無米者續心燈余於是倉亦云咸淳二年正月十五日
 記觀文殿學士金紫光祿大夫沿山制置大使兼知建康軍府事兼管內
 勸農管田使兼江南東路安撫大使馬步軍都總管兼行宮留守節制和
 州無為軍安慶府三郡屯田使金華郡開國公食邑四千一百戶食實封
 捌伯戶馬光祖撰并書朝奉大夫祕閣修撰江南東路計度轉運副使
 兼本路勸農使借紫趙孟頫篆蓋後記云余之三至金陵也欲為邦人
 創平糶一倉積米十萬斛夏糶冬糶以濟乏食自咸淳乙丑秋七月至丙
 寅春正月共得七萬石事力僅僅弗克繼則以前帥王公望所蓄三萬斛
 足成之且識之曰億未即去不以是盡今因二月以迄八月再糶三萬斛
 為十萬而王公舊積不與焉蓋其初已申朝廷椿管不欲混此數也夫出
 糶之價微損固足以見惠養之心收糶之價不常則不可無變通之法此

助糴庫所由設也庫始為本芝緒二十萬今陸續增至八十五萬雖然猶未也緡累充廣歲衍月益俾所入常有加於今日則此庫不為無助母已則糴價但可畧減不可用今日之例減之太驟以致後日難補若夫報有餘以助不足使十萬斛之數永永無墜不無望於後之人是歲重陽日馬光祖謹書 三記云平糴倉之設自咸淳乙丑七月至丙寅正月得米七萬石又自二月至六月再得三萬石合為十萬石余嘗記其畧矣丁卯冬糴二萬衍而為十二萬戊辰春再糴三萬總而為十五萬如糴哺雖夕積畚累所以及此數者偶值歲檢司違實嘉相之然為是倉深長之慮有二焉其一餘米不可久頓當以新易陳庶米色常新而民被實惠其二糴之價常損糴之價常多恐異時措置糴本之艱有折閱台額之患於是先創助糴一庫為本百萬收息補糴又懼其所入之微也則再創西庫以佐之合兩庫為本二百萬然余志猶未愜也輟郡節之有餘助兩庫之不足俾是倉是庫相為無窮則余雖去猶不去也咸淳戊辰夏五上澣光祖書 維揚志平糴倉在城隍廟南賈似道維揚平糴倉奏狀云實邊在民聚民在食蓄食在豫此求牧與芻者所當仰體視飢由己之仁也嗟我淮人生意餘幾荒煙平野成馬羊之其得食上之毛者惟附城依險之地然而後春

哨而即功農時已少失先秋防而避狄農事難備收幸而邊鄙不聳水旱無作則一飽直僅僅爾二者有一焉則野有得矣其未至於殍者強而盜弱而流潛行於湖濫溢出於江南皆是也為牧守者抑亦坐而視其然歟先是雖揚固亦仰浙西之食者然各路官司終有分秦越之心式亦仰高沙之敗者然嗜利商賈乃得利短長之命獨不曰我當自執其柄乎李愷之法熟而餒飢而散耿壽昌之法賤而糴貴而糴獨不可取其遺意行之乎臣用是疾首痛心汲汲夙夜搏浮費成鉅積得糴本可萬斛歲十月視時直餼而儲之當八蜡不通年以凶紀則糴當來年未登新陳不接則糴當急入收保罄罄哀鳴則糴至於尺籍累重之家所餉不足充所瞻則糴惟粒米狼戾無俟發廩則用新厥陳視平之遇歲豐不易而薦者此為得糴不求贏止視糴金微增珠孔視社倉以二分息扶其本者此為便允皆欲求其可常而無弊焉爾昔蘇軾有云千斛在市物價自平一市之賈既平一方之食自足今百倍千斛矣後之人續而增多一方之食不愈足乎王安石嘗恨士大夫不能講先王之意以合於當世之故今亦委積遺意矣後之人培而勿失先王之意不愈合乎然臣所以為是者亦不過仰體皇上視飢由已之仁俯盡守臣求牧與芻之責而已臣謹具平糴創始

之意聞于公朝欲乞者詳行下本州永水遵守使未者有考俾勿壞庶幾
遠實民聚不殍不盜不添實民之幸邇之幸國家之幸方岳秋庄集徽州
平糶倉記 淳祐二年春太守鄭侯劾農于郊有荷蓀而歌者曰田彼南
山維石齟齬言刈我黍不盈其筐既又歌曰糶而珠乎具弓春吾糶乎炊
而玉乎其易果吾腹乎侯式車而聽之喟然歎曰噫是力穡而食糶吾念之甚
而貴糶者也微民鑿山而田高耕入雲者十半其力貧而食貴吾念之甚
獨郡挺于大民廬官寺百役具興今幸復故初而力且匱而吾且去矣雖
然吾渠以其遺渠以其去而怨吾民哉於是游觀之娛厨傳之師歲時交
鄰之聘苦節酌損得十萬緡揭以為平糶本俾有司秋入而春出之以相
循於無窮氓也其何幸雖然知及在初仁宇在久使耿壽昌而在常平法
通百世無弊矣伐石以屬之後予雲氓也抑何幸雖然涸轍之升斗孰與
相忘於江湖夏畦之桔槔孰與無得於雨露侯歸而報政推此類為上具
言之氓也重何幸侯名密字謙仲吳人是歲二月既望郡人方某集記濡
湏志王冕新建平糶倉記 平糶有倉在他郡猶可緩在濡湏不可緩政
有先後非知肯綮者不切切於此也嘗試登須臺汎焦湖鋪觀官府都鄙
之事切磋商究之未嘗不嘆此邦之公私俱匱也歲困清野擔肩平糶雨未

半旬卿糴已閉糴戶二千今絕江而往者什九收租江北貨繁江南而故
 鄉之捐瘠不問也江浙中下江之禁准有歟聽鄰國聲此可挈而往彼不
 可餌而米矧二稅久蠲郡之調度國被違修城補隘無虛日地苦燥剛或
 時塗徹則偏如葺治兩莊三圩撥租不足以了吏俸而上司委糴則歲有
 之田毛有出而無入若禾麻菽麥利以盆鼓猶可校柱候遇霜儉雖八荒
 九弊莫之省憂矣乙卯冬抄今黃堂計使鄭先生羽戴馬西來甫三月積
 潦彌旬民用狼顧商車致鍾者微轍迹幾搏于牧芻矣公籌度多方啓江
 間以資汎舟之役散公帑以弘懋遷之化民免有殍旣然已則追念疇昔
 之張依深防他日之漂漂謂事豫則立不即則嗟周視課入而商度之摶
 浮祛冗積銖累寸行之暮年有年而所儲差厚失蓋以已俸得緡以十數
 者二三萬以之易粟得斛計者可數千繕豐裕舊倉而藏之闕時損直玉
 惠困窮而軍伍之累多者得附庸焉餼散伸縮檢詎派通委官命吏具有
 條目吁此三代良法不謂今日復行於悝昌賢大夫之手夫遭一蹶者得
 一便周於利者凶年不能殺后山謂巧婦莫為麪餅誰能臨渴需遠升者
 為噬臍戒也而公能為見彈求炙之計微大寒索求之夫為之得無難乎
 惟其難斯有以見幹旋之高孟子曰無政事則財用不足此可以觀政矣

蓋公之居河里也。當田里間。聞青黃未交時。率股價捐租。喚鄉黨。令移理於治。施新若一。無怪也。然則。溺須之民。曩無平而今有平。曩枵腹而今鼓腹。不亦春風和氣然矣哉。然愚又有說焉。鰥寡者。浮陽之魚也。貼於沙則斃。失激斗升以活之。則困。圍江湖之樂。不惟免索於枯肆。而螻螻蛭蟻。嗜膚蝕骨者。莫余毒也。已此食哉。惟時而無猾夏姦宄之害。否則楚國大饑。庸濮啓霧。漢湟未充。罕羗易動矣。事國有修於此。而得於彼者。至是而後。知公之為民者。為甚速。使礙戎屏華。悉如公之用心。雖有嗜庸何憂。芻國領筆之。武附春秋。以喜書之。詎庶轉聞于朝。而善鄰以勸。來者實祐丁巳孟夏吉日。迪功郎持差淮西轉運司幹辦公事王芑記。黃氏日抄。黃震臨安府昌化縣重建平糶倉記。國家六飛南來。徃浙右。沃壤稻粱之富。甲天下。足厚養吾元元。為異日恢中原基本。列聖相承。加惠闕邇。如家人父子。視其飢渴而飲食之。恩意每先四方矣。昌化正行都支邑。乃遠介徽嚴萬山間。猶獨苦糶價湧。此非分牧者責。而誰責。然士大夫孰不知推廣。聖天子德意。而猶若此者。非他邑小力凋。雖欲預糶。而時出以抑價不能也。非然則。餽道由浙江。慮泄外境。例有禁。雖請糶不許也。非然則。經畫甫成。去即乾沒於胥吏人之手。雖欲久其惠不獲也。淳祐壬子歲。黎

君宣昭為宰嘗節縣用積楮幣五萬計白大尹通浙饒築倉縣西門曰平
糶閩邑方嘉賴君既去倉不幸回祿及之吏因併碎記石城其賑糶本無
一錢存嗚呼力之凋者蓄之裕矣糶之遏者竭之通矣行之未幾尼之已
至三歲輒易之官果無以勝世世長子孫之吏則山居谷汲而草木食者
何時都人士士比耶必有視飢由已切切然為無窮思者乃可爾後十有
四年衛君植米曰措眉民食曰吾民獨非畿內赤子乎前令尹豈無以
聖朝加惠畿內根本之心為心者乎訪之果得黎君記墨本即按之以
賁償乾沒之吏復痛節縣用之尚可節者以附之視黎君更多其半以乞
糶大尹不可則轉糶之鄰邑陸行而擔負謀什一利者重立倉貯之春而
夏市而鄉計戶出糶價用復平民雖以感君猶以為慚曰糶之鄰邑孰若
徑糶之浙右之為價廉也民雖以為喜君方以為憂曰觀之黎君又孰知
吾今日之事為必可久也戊辰歲九月秣滿如京遂面白之令大尹侍郎
潛公說友曰某不敢以已去忘百姓潛公感其言慨許之通糶如君請糶
君者方將藉以施無窮明年冬君與余同僚桐川尚屬余記其事信乎君
之視飢由已切切然為斯民思者滋無窮也余惟三代無乎糶法非不平
糶也井田家私百畝民固無俟於糶糶又何俟於平井田漸壞民不免糶